

## **ACLARACIONES SOBRE AS NORMAS DE PERMANENCIA**

### **Ámbito de Aplicación:**

Será de aplicación a tódolos alumnos de Grao e Máster que formalicen matrícula no curso 2012-13, tanto de inicio como de continuación de estudos.

### **Permanencia:**

**Inicio de estudos.-** Os alumnos que inicien estudos de Grao, no curso 2012-13 deberán superar unha materia no primeiro ano ou 30 créditos no segundo. Este requisito tamén será esixido aos alumnos que accedan polo cupo de titulados.

Se o alumno non cumpre este requisito non poderá formalizar matrícula na USC ata transcorridos cinco anos. Se traslada o expediente para continuar estudos noutra universidade non poderá volver a matricularse na USC ata que non transcorran cinco anos.

**Continuación de estudos.-** Os alumnos que iniciaron estudos de Grao no curso 2011-12 ou anteriores seralle de aplicación a normativa anterior, debendo superar unha materia no primeiro ano ou trinta créditos nos tres primeiros.

### **Número máximo de convocatoria:**

Os alumnos disporán dun máximo de 4 convocatorias, unha por curso académico, independentemente das oportunidades de avaliación.

A partir do curso 2012-13 a mención NP computará como convocatoria esgotada.

### **Cómputo de convocatorias:**

Aos alumnos de grao computaránselle as convocatorias dende o momento que formalizou a súa primeira matrícula na materia afectada.

Aos alumnos que se adapten ao grao procedentes dunha titulación non adaptada ao EEES, computaránselle as convocatorias a partir da adaptación.

### **Renuncia á convocatoria de avaliación:**

Poderán renunciar á convocatoria de avaliación, unha única vez por materia, sen necesidade de xustificar causa algunha, un mes antes do inicio do período de celebración das probas, para o que se habilitará un procedemento telemático a través da secretaría virtual.

Fora deste prazo poderase solicitar a renuncia por casas de forza maior que deberán ser debidamente acreditadas.

### **Matrícula:**

**Obrigatoriedade de matricularse nas materias suspensas ou non superadas.-** Os alumnos con materias suspensas ou non superadas das que teña estado matriculado, deberán matricularse obrigatoriamente de ditas materias ata o máximo permitido na convocatoria. Se o alumno tivera 75 ou máis créditos suspensos ou non superados non poderá formalizar matrícula en novas materias.

Igualmente deberá matricularse obrigatoriamente das materias de cursos inferiores aínda que nunca estivera matriculado previamente.

Esta obrigatoriedade non rexe para os alumnos de 1º a tempo parcial en relación coas materias das que non estivo matriculado.

Tampouco será obrigatorio matricularse de materias optativas, xa que o alumno ten a opción de cambiar a optatividade dun curso para outro.

### **Impedimentos de matrícula:**

- Ter esgotadas as convocatorias nalgunha das materias non optativas.
- Cando se teñan esgotadas as 4 convocatorias en grao ou 2 en máster, non se poderán continuar estudos na USC, podendo non obstante solicitar a renuncia dunha materia consumida por non estar en vigor a Normativa de Permanencia no momento de iniciar estudos na USC.
- O impedimento de matrícula abrangue á totalidade das materias, non só das que teña esgotadas as convocatorias.
- Non superar unha materias no primeiro curso, ou 30 créditos nos dous ou tres primeiros cursos, segundo o caso.
- Matrícula no último curso:

O apartado 2 do artigo 6 das Normas de Permanencia establece que en ningún caso se poderá formalizar matrícula no último curso con materias pendentes do primeiro, agás situación excepcionais debidamente autorizadas.

Este límite aplicarase na matrícula do curso 2012-13, pero aos alumnos afectados, mediante solicitude expresa indicando a situación excepcional a ter en conta, poderáselle autorizar a matrícula.

Os alumnos e alumnas que como consecuencia da adaptación ao grao, teñan pendentes para rematar unha materia de 1º curso e o resto do último curso, se lles excepcionalará se así o solicitan.

Para os alumnos que solicitaron o intercambio con anterioridade á entrada en vigor da Normativa de Permanencia e que teñan unha materia pendente de 1º curso e as demais sexan do último curso, autorizaráselle a matrícula e permitiráselle realizar o intercambio.

O alumnado que teña solicitado o intercambio para o curso 2012-13 e teña materias pendentes de formación básica de 1º ou 2º que non teñan equivalente no plan de estudos da universidade de destino, poderá realizar o intercambio e matricularse no curso 2013-14 destas materias na USC, sen o límite establecido no apartado 6.2 das Normas de Permanencia.

### **Alumnos de intercambio:**

No compromiso de estudos só poderán figurar tantas materias suspensas como cursos nos que estivo matriculado. Se está en terceiro poderá levar dúas materias suspensas de calquera dos cursos precedentes.

Os alumnos de intercambio só poden matricularse das materias que figuren no compromiso de estudos, coa excepción do TFG/TFM e as prácticas que poderán levalas no intercambio ou matricularse na USC. Se o intercambio e de duración cuadrimestral poderá matricularse ademais das materias do segundo cuadrimestre. En todo caso o límite total da matrícula serán 75 ECTS.

### **Traballos Fin de Grao**

O apartado 6.3 das normas de permanencia contempla excepcións á obrigatoriedade de ter superados 150 créditos e todo primeiro para a realización do TFG. Estas excepcións son as que xa se están aplicando en función do réxime de adaptación xa que como consecuencia da indicada adaptación, as materias de plans vellos dos últimos cursos pasaron ao grao aos primeiros

Santiago de Compostela, 5 de xullo de 2012